

# যশোর বোর্ড-২০১৬

বাংলাদেশ ও বিশ্বপরিচয়

বিষয় কোড :

১ ৫ ০

সময়-২ ঘণ্টা ২০ মিনিট;

সৃজনশীল প্রশ্ন

পূর্ণমান : ৬০

দ্রষ্টব্য : ডান পাশের সংখ্যা প্রশ্নের পূর্ণমান জ্ঞাপক। প্রদত্ত উদ্দীপকগুলো মনোযোগসহকারে পড় এবং সংশ্লিষ্ট প্রশ্নের উত্তর দাও। যে কোনো ৬ টি প্রশ্নের উত্তর দিতে হবে।

১. 'ক' নামক একটি রাষ্ট্রে গণতান্ত্রিক পদ্ধতিতে শাসন চলছিল। কিন্তু দেশটির কিছু ক্ষমতালিপ্সু সেনা সদস্য ক্ষমতা ছিনিয়ে নেয়ায় সামরিক আইন চলছিল। সামরিক স্বৈরাচার সরকারকে উৎখাত করে গণতন্ত্র পুনরায় প্রতিষ্ঠিত করার জন্য দেশের ছাত্র, শিক্ষক, সাধারণ জনতা সভা ও মিছিল করে। কেউ ব্যানার, কেউ পোস্টার বহন করে। তাদের মধ্যে এক যুবক নিজের বুক ও পিঠে স্বৈরাচার সরকারের বিরুদ্ধে স্লোগান লিখে মিছিলে যোগ দেয়। কিন্তু দুঃখের বিষয় স্বৈরাচার সামরিক সরকারের পুলিশের গুলিতে সেই যুবকের জীবন অকালেই ঝরে পড়ে।

ক. ১৯৩৭ সালে মুসলিম লীগের দাপ্তরিক ভাষা উর্দু করার বিরোধিতা করেন কে? ১

খ. বাংলাদেশের মুক্তিযুদ্ধে শিল্পী-সাহিত্যিক ও বুদ্ধিজীবীদের ভূমিকা ব্যাখ্যা করো। ২

গ. উদ্দীপকে উল্লিখিত শহিদ যুবকটির সাথে স্বাধীন বাংলাদেশের গণতন্ত্র পুনঃপ্রতিষ্ঠায় কোন ঘটনার মিল পাওয়া যায়? ব্যাখ্যা করো। ৩

ঘ. “বাংলাদেশের গণতন্ত্র প্রতিষ্ঠায় উক্ত যুবকের মতো আরো অনেকেই ত্যাগ স্বীকার করেছেন”— তোমার পাঠ্যপুস্তকের আলোকে উক্তিটি বিশ্লেষণ করো। ৪

২. আরিফ তার পিতা-মাতার সাথে শহরে থাকে। তাদের পিতা-মাতা উভয়ই চাকরিজীবী। শহরের পরিবেশে আরিফ তার প্রতিবেশী, বিদ্যালয় ও সহপাঠীদের সহযোগিতায় ক্রমেই সামাজিক হয়ে উঠছে। অপরদিকে তার চাচাতো ভাই শরিফ গ্রামে থাকে। সেখানে সে মা-বাবা, দাদা-দাদি ও চাচাদের সাথে বসবাস করছে। তাদের চিন্তা-চেতনা, দৃষ্টিভঙ্গি ও সামাজিক আদর্শেই সে বেড়ে উঠছে।

ক. পরিবার কোন ধরনের সংগঠন? ১

খ. বর্ধিত পরিবার বলতে কী বোঝায়? ২

গ. আরিফের সামাজিকীকরণে কোন প্রতিষ্ঠান বেশি ভূমিকা পালন করে? উদ্দীপকের আলোকে ব্যাখ্যা করো। ৩

ঘ. উদ্দীপকে আরিফ ও শরিফের সামাজিকীকরণের ক্ষেত্রে বৈসাদৃশ্যসমূহ আলোচনা করো। ৪

৩. বিশ্ববিদ্যালয়ের মেধাবী ছাত্র সোহাগ। তার বাবা একজন রিকশাচালক। আর্থিক অসচ্ছলতার কারণে সোহাগ ঢাকা শহরে টিউশনি করে পড়াশোনার খরচ চালায়। তার বাবার প্রত্যাশা সন্তান বড় হয়ে সরকারের একজন উচ্চপদস্থ কর্মকর্তা হবে এবং সংসারের দুর্দশা দূর করবে। কিন্তু দুর্ভাগ্য প্রতিদিনের মতো সেদিনও টিউশনি করে হলে ফেরার পথে সে বাস দুর্ঘটনায় ঘটনাস্থলেই মারা যায়। এখানেই তার বাবার স্বপ্নের অবসান হয়।

ক. AIDS- এর পূর্ণরূপ লেখো। ১

খ. সামাজিক মূল্যবোধের অবক্ষয়ের কারণ ব্যাখ্যা করো। ২

গ. সোহাগের বাবার প্রত্যাশাপূরণ না হবার জন্য সামাজিক সমস্যাবলির কোন কারণটি দায়ী? ব্যাখ্যা করো। ৩

ঘ. “উক্ত সামস্যাটি শুধু পারিবারিক জীবনকেই বিপর্যস্ত করে না বরং আর্থ-সামাজিক ও মানসিক জীবনকেও দুর্বিষহ করে তোলে”— উক্তিটি বিশ্লেষণ করো। ৪

৪. কামাল তার বাবা-মায়ের সাথে কল্লবাজার সমুদ্রসৈকতে সন্ধ্যাবেলায় পানির অপরূপ শান্ত প্রকৃতি দেখে খুবই মুগ্ধ হয়। কিছুক্ষণ পর তারা দেখে সাগরের পানি ক্রমশ ফুলে উঠছে। পানির ঢেউ তীরে এসে ভীষণভাবে গর্জন করছে। মা তাকে ভীত হতে নিষেধ করলেন এবং বললেন, “এটা সমুদ্রের একটি স্বাভাবিক ঘটনা, কিছুক্ষণ পরই আবার দেখবে পানি নেমে যাবে।”

ক. অক্ষরেখা কী? ১

খ. আন্তর্জাতিক তারিখ রেখা বলতে কী বোঝায়? ২

গ. কামাল ও তার মা-বাবা সমুদ্রের পানিতে সন্ধ্যাবেলা যে প্রতিক্রিয়া লক্ষ করেছিল তা কীসের ইঙ্গিত? ব্যাখ্যা করো। ৩

ঘ. উক্ত বিষয়টি আমাদের জীবনে কোন ধরনের প্রভাব ফেলে তা তোমার পাঠ্যবইয়ের আলোকে বিশ্লেষণ করো। ৪

৫. জেমস স্টিফেন এমন একটি দেশের নাগরিক যেখানে দায়িত্বশীল শাসনব্যবস্থা প্রবর্তিত। সেখানকার সরকার জনগণের দ্বারা নির্বাচিত এবং জনগণের কাজেই দায়িত্বশীল থাকে। এমনকি রাষ্ট্রীয় নীতি-নির্ধারণের ক্ষেত্রে জনগণের স্বার্থকেই প্রাধান্য দেয়া হয়। সংখ্যাগরিষ্ঠের ভোটে নির্বাচিত হলে এই সরকার সংখ্যাগরিষ্ঠের স্বার্থে গঠিত ও পরিচালিত হয়।

- ক. পাকিস্তানে কতবার জাতীয় পরিষদের নির্বাচন অনুষ্ঠিত হয়েছিল (সময়কাল ১৯৪৭-১৯৭১ ইং)? ১
- খ. 'ইলেকটোরাল কলেজ' বলতে কী বোঝায়? ২
- গ. মি. জেমস স্টিফেন-এর রাষ্ট্রে কোন ধরনের সরকারব্যবস্থা প্রবর্তিত আছে? ব্যাখ্যা করো। ৩
- ঘ. তুমি কি মনে কর, উক্ত সরকার ব্যবস্থা সংখ্যাগরিষ্ঠ জনগণ দ্বারা গঠিত বলে, সংখ্যালঘুদের মতামত ও স্বার্থ উপেক্ষিত হয়? তোমার উত্তরের সপক্ষে যুক্তি প্রদর্শন করো। ৪
৬. সম্প্রতি কোমেন নামে একটি ঘূর্ণিঝড় উপকূলীয় জেলার উপরে আঘাত হানে। তাতে ঐ অঞ্চলের অনেক ঘরবাড়ি, রাস্তাঘাট ক্ষতিগ্রস্ত হয়। উপকূলীয় জেলায় নিয়োজিত জেলা প্রশাসক ক্ষতিগ্রস্ত লোকজনের মধ্যে নানা ধরনের সাহায্য-সহযোগিতা দেন এবং বিভিন্ন ধরনের উন্নয়ন কার্যক্রম পরিচালনা করেন। কারণ তিনি নিজেকে উক্ত জেলার জনগণের বন্ধু ও পথপ্রদর্শক হিসেবে প্রতিষ্ঠিত করতে চান।
- ক. ইউনিয়ন পরিষদের সদস্য সংখ্যা কত? ১
- খ. অভিশংসন বলতে কী বোঝায়? ২
- গ. উদ্দীপকে বর্ণিত কোমেনের ক্ষতিগ্রস্ত লোকদের সাহায্য-সহযোগিতা জেলা প্রশাসকের কোন ধরনের কর্মকাণ্ডের অন্তর্ভুক্ত? বিশ্লেষণ করো। ৩
- ঘ. উক্ত জেলা প্রশাসককে জনগণের প্রকৃত বন্ধু ও পথপ্রদর্শক হতে হলে যে সমস্ত কাজ করা উচিত, তা সংক্ষেপে আলোচনা করো। ৪
- ৭.



চিত্র: বাংলাদেশের মানচিত্রের অংশবিশেষ

- ক. বাংলাদেশের কোথায় মেঘনা নদীর সৃষ্টি হয়েছে? ১
- খ. বাংলাদেশ সহজে প্রচুর সৌরশক্তি পেয়ে থাকে কেন? বুঝিয়ে লেখো। ২
- গ. চিত্রে A চিহ্নিত নদীটির নাম উল্লেখপূর্বক এর গতিপথ ব্যাখ্যা করো। ৩
- ঘ. উক্ত নদীর অর্থনৈতিক গুরুত্ব আলোচনা করো। ৪
৮. ঐশীর বিয়ে হয়েছে মাত্র দেড় বছর। বিয়ের সময় দেনা-পাওনার কথা না থাকলেও স্বশুরবাড়িতে তার প্রতি নানা ধরনের অত্যাচার করা হয়। শাশুড়ি ও ননদের কথায় তা স্বামী তাকে প্রায়ই প্রহার করে। বাবার সম্পত্তি বিক্রি করে টাকা এনে দিতে বলে। এছাড়া তাকে পারিবারিক অত্যধিক কাজ করতে বাধ্য করা হয়।
- ক. সামাজিক নৈরাজ্য কী? ১
- খ. শিশু শ্রমিক নিয়োগের ক্ষেত্রে আমাদের করণীয় কী? ২
- গ. উদ্দীপকে উল্লিখিত সমস্যাটি কোন ধরনের সামাজিক সমস্যার অন্তর্ভুক্ত? ব্যাখ্যা করো। ৩
- ঘ. উক্ত সমস্যা প্রতিরোধে সমাজের করণীয় কী? তোমার নিজস্ব বক্তব্য উপস্থাপন করো। ৪
৯. জনাব আব্দুস সালাম বাংলাদেশের একজন স্বনামধন্য শিল্পপতি। তিনি সরকারের যথাযথ কর্তৃপক্ষের অনুমতি নিয়ে একটি ব্যাংক প্রতিষ্ঠা করেন। তার উদ্দেশ্য হচ্ছে বাংলাদেশের সর্বত্র জনগণকে আর্থিক সুবিধা প্রদান করা। তার ব্যাংকের কাজ হলো জনগণের সঞ্চিত অর্থ বিভিন্ন মেয়াদে জমা রেখে ব্যবসায়ী, শিল্প উদ্যোক্তা ও আবাসন প্রকল্পে ঋণ প্রদান করা। এছাড়া তার ব্যাংক গ্রাহকদের সুবিধার্থে বন্ড, স্টক, শেয়ার, ডিবেঞ্চার ক্রয়-বিক্রয় করে থাকে।
- ক. বাংলাদেশ সরকারের ব্যয়ের অন্যতম প্রধান খাত কোনটি? ১
- খ. কেন্দ্রীয় ব্যাংককে সর্বশেষ পর্যায়ের ঋণদাতা বলা হয় কেন? ব্যাখ্যা করো। ২
- গ. জনাব আব্দুস সালামের প্রতিষ্ঠিত আর্থিক প্রতিষ্ঠানটি কোন ধরনের ব্যাংকের অন্তর্ভুক্ত? ব্যাখ্যা করো। ৩
- ঘ. তার প্রতিষ্ঠিত ব্যাংকটিকে কোন অর্থে ঋণের কারবারি বলা যায়? আলোচনা করো। ৪

[বিশেষ দৃষ্টব্য: সরবরাহকৃত বহুনির্বাচনি অভীক্ষার উত্তরপত্রে প্রদত্ত বর্ণসম্মিলিত বৃত্তসমূহ হইতে সঠিক/সর্বোৎকৃষ্ট উত্তরের বৃত্তটি বল পয়েন্ট কলাম দ্বারা সম্পূর্ণ ভরাট কর প্রতিটি প্রশ্নের মান ১। সকল প্রশ্নের উত্তর দিতে হবে।]

১. বিনা জামানতে ব্যাংকিং সুবিধা প্রদান করে কোনটি?

- ক) সোনালী ব্যাংক      খ) কৃষি ব্যাংক  
গ) বাংলাদেশ ব্যাংক      ঘ) গ্রামীণ ব্যাংক

২. কোন ক্ষুদ্র নৃ-গোষ্ঠীর মধ্যে এখনো মাতৃসূত্রীয় পরিবার ব্যবস্থা প্রচলিত আছে?

- ক) চাকমা ও খাসিয়া      খ) রাখাইন ও গারো  
গ) হাজং ও গারো      ঘ) খাসিয়া ও গারো

৩. বর্তমানে যৌথ পরিবার কমে যাওয়ার কারণ —

- i. শিল্পায়ন ও নগরায়ণ  
ii. ভোগবাদী মানসিকতা  
iii. ক্ষুদ্র ঋণদান কর্মসূচির অসুবিধা  
নিচের কোনটি সঠিক?

- ক) i ও ii      খ) i ও iii  
গ) ii ও iii      ঘ) i, ii ও iii

৪. জাহেদার বিয়ের পরে তাঁর স্বামী জলিল শহরের একটি পৃথক এ্যাপার্টমেন্টে তাদের দাম্পত্য জীবন শুরু করেন। এটি কোন পরিবারের উদাহরণ?

- ক) অনুলোম      খ) প্রতিলোম  
গ) পিতৃবাস      ঘ) নয়াবাস

৫. “সামাজিক পরিবর্তন হচ্ছে সামাজিক সংগঠনের মধ্যকার পরিবর্তন”—উক্তিটি কার?

- ক) ম্যাকাইভার      খ) এরিস্টটল  
গ) কিংসলে ডেভিস      ঘ) ডাল্টন

৬. প্রযুক্তি কোন ধরনের সম্পদ?

- ক) জাতীয়      খ) আন্তর্জাতিক  
গ) সমষ্টিগত      ঘ) ব্যক্তিগত

৭. সাম্প্রতিক সময়ে বাংলাদেশের অন্যতম সামাজিক সমস্যা কী?

- ক) এসিড নিষ্ক্ষেপ      খ) নারী ও শিশু পাচার  
গ) যৌন হয়রানি      ঘ) সড়ক দুর্ঘটনা

অনুচ্ছেদটি পড়ে ৮ ও ৯নং প্রশ্নের উত্তর দাও:—

মি. ‘ক’ বহুদিন বিদেশে থেকে সম্প্রতি দেশে এসেছেন। তার স্ত্রী লক্ষ করলেন, তার স্বামীর ওজন দিন দিন কমে যাচ্ছে। জ্বর ও ঘন ঘন কাশি লেগে আছে।

৮. মি. ‘ক’ কোন রোগে আক্রান্ত হওয়ার সম্ভাবনা বেশি?

- ক) যক্ষ্মা      খ) নিউমোনিয়া  
গ) ম্যালেরিয়া      ঘ) এইডস

৯. উক্ত সম্ভাব্য রোগের ক্ষেত্রে তার স্ত্রীর উচিত —

- i. স্বামীর কাপড় ও বিছানা স্পর্শ না করা  
ii. স্বামীর সাথে সুসম্পর্ক বজায় রাখা  
iii. স্বামীর প্রতি সহানুভূতিশীল হওয়া

নিচের কোনটি সঠিক?

- ক) i ও ii      খ) i ও iii  
গ) ii ও iii      ঘ) i, ii ও iii

১০. ধীরেন্দ্রনাথ দত্ত কত সালে উর্দু ও ইংরেজির পাশাপাশি বাংলার ব্যবহারের দাবি জানান?

- ক) ১৯৪৭      খ) ১৯৪৮  
গ) ১৯৫১      ঘ) ১৯৫২

১১. জাতীয়তাবাদ বলতে কী বোঝায়?

- ক) জাতীয় চেতনা      খ) জাতীয় ঐক্য

গ) জাতীয় পরিচয়      ঘ) জাতীয় ঐতিহ্য

অনুচ্ছেদটি পড়ে ১২ ও ১৩নং প্রশ্নের উত্তর দাও:—

কামাল সাহেব দেশাত্মবোধক গান গাইতেন এবং সুন্দর ছবি আঁকতেন। এ কাজে তাঁর খ্যাতি ছিল প্রচুর। ১৯৭১ সালে মুক্তিযুদ্ধের সময় সংক্ষিপ্ত প্রশিক্ষণ নিয়ে তিনি এবং তাঁর আইনজীবী বন্ধু জাভেদ সাহেব যুদ্ধ করে দেশকে শত্রুমুক্ত করেন।

১২. মুক্তিযুদ্ধে কামাল সাহেব ও জাভেদ সাহেব কাদের প্রতিনিধিত্ব করেছেন?

- ক) দিন মজরের      খ) প্রবাসী বাঙালীদের  
গ) পেশাজীবীদের      ঘ) শিক্ষকদের

১৩. কামাল সাহেব মুক্তিযুদ্ধে অংশগ্রহণ করেছিলেন—

- i. প্রত্যক্ষভাবে  
ii. পরোক্ষভাবে  
iii. সক্রিয়ভাবে  
নিচের কোনটি সঠিক?

- ক) i ও ii      খ) i ও iii  
গ) ii ও iii      ঘ) i, ii ও iii

১৪. ‘কাদতে আসিনি ফাঁসির দাবি নিয়ে এসেছি’ শীর্ষক কবিতার প্রেক্ষাপট নিচের কোনটি?

- ক) গণঅভ্যুত্থান      খ) ভাষা আন্দোলন  
গ) স্বাধীনতা যুদ্ধ      ঘ) ১৯৪৭ এর দেশ বিভাগ

১৫. ১৯৭১ সালের ১১ এপ্রিল বেতার ভাষণে মুজিবনগর সরকার গঠনের কথা প্রচার করেন কে?

- ক) তাজউদ্দিন আহমদ  
খ) সৈয়দ নজরুল ইসলাম  
গ) ক্যাপ্টেন এম. মনসুর আলী  
ঘ) এ. এইচ. এম. কামারুজ্জামান

১৬. জাতীয় চার নেতাকে হত্যা করা হয়েছিল কোন তারিখে?

- ক) ১৯৭৫ সালের ৩ নভেম্বর  
খ) ১৯৭৫ সালের ৪ নভেম্বর  
গ) ১৯৭৫ সালের ৫ নভেম্বর  
ঘ) ১৯৭৫ সালের ৬ নভেম্বর

১৭. ‘টাইটান’ হলো—

- ক) গ্রহ      খ) উপগ্রহ      গ) নক্ষত্র      ঘ) ধূমকেতু

১৮. কোন গ্রহের আকাশে বছরে দুইবার সূর্য উদ্ভিত হয়?

- ক) শুক্র      খ) মঙ্গল  
গ) বৃহস্পতি      ঘ) শনি

১৯. ২০১১ সালের আদমশুমারি অনুযায়ী বাংলাদেশে প্রতি বর্গকিলোমিটারে জনসংখ্যার ঘনত্ব কত ছিল?

- ক) ১০০৫ জন      খ) ১০১০ জন  
গ) ১০১৫ জন      ঘ) ১০২০ জন

২০. গ্রীষ্মকালে বাংলাদেশে ঘূর্ণিঝড় হয় —

- i. বায়ুর চাপের পরিবর্তনের কারণে  
ii. বঙ্গোপসাগরে সৃষ্ট নিম্নচাপের কারণে  
iii. হিমালয়ের হিমবাহের কারণে

নিচের কোনটি সঠিক?

- ক) i ও ii      খ) i ও iii  
গ) ii ও iii      ঘ) i, ii ও iii

২১. 'ক' দেশটির অবস্থান ৬০° পূর্ব দ্রাঘিমাংশ। এর প্রতিপাদ স্থান কোনটি?

- ক) ৬০° পশ্চিম                      খ) ৯০° পশ্চিম  
গ) ১২০° পূর্ব                      ঘ) ১২০° পশ্চিম

২২. তিস্তা ব্যারেজটি গুরুত্বপূর্ণ ভূমিকা রাখে —

- i. কৃষি কাজে                      ii. পানি নিষ্কাশনে

iii. বন্যা প্রতিরোধে

নিচের কোনটি সঠিক?

- ক) i ও ii                      খ) i ও iii  
গ) ii ও iii                      ঘ) i, ii ও iii

অনুচ্ছেদটি পড়ে ২৩ ও ২৪নং প্রশ্নের উত্তর দাও:—

গত বছরের বন্যায় কক্সবাজার জেলার লোকজনের প্রচুর ক্ষতি হয়। নদী ভাঙন ও জলাবন্দিতার কারণে অনেক মানুষ গৃহহীন ও বেকার হয়ে পড়েন। জেলা প্রশাসক ক্ষতিগ্রস্তদের মধ্যে নানারকম ত্রাণসামগ্রী বিতরণ করেন।

২৩. অনুচ্ছেদে উল্লিখিত কাজটি জেলা প্রশাসকের কোন ধরনের কাজ?

- ক) শান্তিরক্ষামূলক                      খ) সময়সংক্রান্ত  
গ) মানবতামূলক                      ঘ) প্রশাসন সংক্রান্ত

২৪. অনুচ্ছেদে উল্লিখিত মানুষের এ ধরনের কষ্ট থেকে পরিত্রাণের জন্য সরকারের উচিত —

- i. বন্যা সমস্যার স্থায়ী সমাধান করা  
ii. নিরাপদ আশ্রয়কেন্দ্র স্থাপন করা  
iii. ফারাক্কা সমস্যার সমাধান করা

নিচের কোনটি সঠিক?

- ক) i ও ii                      খ) ii ও iii  
গ) i ও iii                      ঘ) i, ii ও iii

২৫. সংসদ প্রণীত আইনে রাষ্ট্রপতি কতদিনের মধ্যে সম্মতি দান করেন?

- ক) ১০                      খ) ১৫                      গ) ২০                      ঘ) ২৫

২৬. কোনটি রাষ্ট্রের মুখ্য কাজ?

- ক) বাধ্যতামূলক প্রাথমিক শিক্ষা প্রবর্তন  
খ) পানীয় জলের সুব্যবস্থা  
গ) দ্রব্যের দাম নিয়ন্ত্রণে রাখা  
ঘ) প্রতিষেধক টিকা প্রদান

২৭. রহিম একটি পোল্ট্রি ফার্মে কর্মরত। তার অর্জিত আয় অর্থনীতিতে কী হিসেবে বিবেচিত হবে?

- ক) খাজনা                      খ) মজুরি  
গ) সুদ                      ঘ) মুনাফা

অনুচ্ছেদটি পড়ে ২৮ ও ২৯ নং প্রশ্নের উত্তর দাও:—

জনাব রহিম উল্লাহ শহর এলাকার একটি স্থানীয় সরকারের প্রধান। তিনি সর্বদা কমিশনারদের সাথে পরামর্শের ভিত্তিতে তার এলাকার উন্নয়ন ও বিভিন্ন সমস্যা সমাধানের চেষ্টা করেন।

২৮. জনাব রহিম উল্লাহ কোন স্থানীয় সরকারের প্রধান?

- ক) ইউনিয়ন পরিষদ                      খ) পৌরসভা  
গ) উপজেলা পরিষদ                      ঘ) জেলা পরিষদ

২৯. উক্ত স্থানীয় সরকারের কাজের বিশেষত্ব হলো —

- i. বসবাসের অযোগ্য বাড়ি-ঘর ভেঙে ফেলার নির্দেশ প্রদান

ii. অশিক্ষিত বয়স্ক নারী-পুরুষের জন্য শিক্ষার ব্যবস্থা করা

iii. ১০ হাজার টাকা পর্যন্ত দেওয়ানি মামলা পরিচালনা করা

নিচের কোনটি সঠিক?

- ক) i                      খ) ii  
গ) i ও ii                      ঘ) i, ii ও iii

৩০. ১৯৫৮ সালে ৭ই অক্টোবর পূর্ব পাকিস্তানে সামরিক আইন জারি করেন—

- ক) আইয়ুব খান                      খ) ইস্কান্দার মীর্জা  
গ) টিক্কা খান                      ঘ) নিয়াজি

৩১. মিঃ X স্বাধীন ও নিরপেক্ষ নির্বাচন পরিচালনা কাজে নিয়োগপ্রাপ্ত একজন সদস্য। তিনি স্বেচ্ছায় পদত্যাগ করতে চাইলে কার নিকট পদত্যাগপত্র জমা দেবেন?

- ক) রাষ্ট্রপতি                      খ) প্রধানমন্ত্রী  
গ) স্পিকার                      ঘ) প্রধান নির্বাচন কমিশনার

৩২. কোনটিকে জাতিসংঘের 'বিতর্কসভা' বলে অভিহিত করা হয়?

- ক) অছি পরিষদ                      খ) আন্তর্জাতিক আদালত  
গ) নিরাপত্তা পরিষদ                      ঘ) সাধারণ পরিষদ

উদ্দীপকটি পড়ে ৩৩ ও ৩৪নং প্রশ্নের উত্তর দাও:—

২০১৪ সালে একটি দেশের মোট জাতীয় আয় ছিল ২৭০০ কোটি ইউএস ডলার এবং দেশটির জনসংখ্যা ছিল ১০ কোটি।

৩৩. উক্ত দেশটির মাথাপিছু আয় কত ডলার?

- ক) ২৭                      খ) ২৭০                      গ) ২৭০০                      ঘ) ২৭০০০

৩৪. আয়ের ভিত্তিতে উক্ত দেশটি কোন ধরনের?

- ক) উচ্চ আয়ের                      খ) উচ্চ মধ্য আয়ের  
গ) নিম্ন মধ্য আয়ের                      ঘ) নিম্ন আয়ের

৩৫. তৃতীয় বিশ্ব নারী সম্মেলন কোথায় অনুষ্ঠিত হয়?

- ক) বেইজিং                      খ) মেক্সিকো  
গ) জেনেভা                      ঘ) নাইরোবি

৩৬. কোন নদীটির উৎপত্তিস্থল বাংলাদেশে?

- ক) মাতামুরী                      খ) সাজু  
গ) নাফ                      ঘ) ফেনী

৩৭. সাম্প্রতিক বছরগুলোতে বাংলাদেশের অর্থনীতিতে কোন খাতের গুরুত্ব ও অবদান ক্রমশ বৃদ্ধি পাচ্ছে?

- ক) শিল্পখাতের                      খ) কৃষিখাতের  
গ) শিক্ষাখাতের                      ঘ) নির্মাণ খাতের

৩৮. ২০১১ সালের আদমশুমারি অনুযায়ী বাংলাদেশের সাক্ষরতার হার—

- ক) ৪৩.৭%                      খ) ৪৯.৭%  
গ) ৫১.৮%                      ঘ) ৫৯.৮%

৩৯. ব্যক্তিগত আয়ের উপর ধার্যকৃত করকে কী বলে?

- ক) আয়কর                      খ) ব্যক্তিগত কর  
গ) আবগারি কর                      ঘ) মূল্য সংযোজন কর

৪০. বাণিজ্যিক ব্যাংকগুলো টিকে থাকে —

- i. মুনাফার মাধ্যমে  
ii. ঋণের মাধ্যমে  
iii. জামানতের মাধ্যমে

নিচের কোনটি সঠিক?

- ক) i                      খ) ii                      গ) i ও ii                      ঘ) i ও iii

উত্তর

১	ঘ	২	ঘ	৩	ক	৪	খ	৫	গ	৬	ক	৭	গ	৮	ঘ	৯	গ	১০	খ	১১	খ	১২	গ	১৩	খ	১৪	খ	১৫	ক	১৬	ক	১৭	খ	১৮	ক	১৯	গ	২০	ক
২১	ঘ	২২	গ	২৩	গ	২৪	ক	২৫	খ	২৬	গ	২৭	খ	২৮	ঘ	২৯	গ	৩০	খ	৩১	ক	৩২	ঘ	৩৩	খ	৩৪	ঘ	৩৫	খ	৩৬	ক	৩৭	ক	৩৮	গ	৩৯	ক	৪০	ক